

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23) i člana 5. Programa utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 615300, Budžeta Zeničko-dobojskog kantona za 2024. godinu pozicija „Kapitalni transferi neprofitnim organizacijama“, broj: 02-11-1420/24 od 19.01.2024. godine i broj: 02-11-13811/24 od 02.08.2024. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 41. sjednici, održanoj 16.08.2024. godine, donosi

ODLUKU

o odobravanju sredstava Župi Sv. Josipa Zavidovići u svrhu sufinansiranja projekta obnove dijela dvorišta i ugradnje video nadzora

Član 1.

(Predmet)

Odobravaju se sredstva Župi Sv. Josipa Zavidovići u ukupnom iznosu od 8.000,00 KM (slovima: osamhiljadakonvertibilnihmaraka) u svrhu sufinansiranja projekta obnove dijela dvorišta i ugradnje video nadzora.

Član 2.

(Isplata sredstava)

Odobrena sredstva će se isplatiti iz Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24), sa razdjela 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 615300, pozicija „Kapitalni transferi neprofitnim organizacijama“.

Član 3.

(Ugovor o prenosu sredstava)

Ovlašćuje se ministar Ministarstva za obrazovanje, nauku, kulturu i sport da potpiše Ugovor o prenosu sredstava sa župnikom Župe, sa ciljem realizacije odobrenih sredstava iz člana 1. Odluke.

Član 4.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 5.

(Izveštavanje)

Korisnik sredstava je dužan Ministarstvu za obrazovanje, nauku, kulturu i sport, po okončanju projekta, odnosno utroška odobrenih sredstava, u roku od 15 dana, dostaviti izvještaj o namjenskom utrošku odobrenih sredstava, a najkasnije u roku od godinu dana od dana doznačavanja sredstava iz člana 1. ove odluke.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-14398/24

Datum, 16.08.2024. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x Župa Sv. Josipa Zavidovići, putem Ministarstva,

1x „Službene novine Zeničko-dobojskog kantona“,

1x a/a.